



Шогшо эл, порымлык да гимн берг!

Будь готов/

ЯМДЕ ЛИЙ

1933 ий 1 февраль годсек лектеш.

0+

Фотопроект



Марий кундемын
100
Марий эл
эргыже ден удыржы

Фотом еш архив гыч налме.



Лудса:

«Демос» поиско-
вый отряд самырык
тукымым патриотизм
шўлышеш воспитатльме
шоньмаш дене пашам
ышта. Вуйлатышыже
Д.Я.Шипунов
каласкала. **3**

Йоча-влакын сар
нерген серымыштым лудаш
темлена. **4**

Волжский район
Памар селасе «Порт –
тоштер» нерген пален
налнеда? Тугеже,
лудса. **5**

Икте изинек куш-
таш йората, весылан семўз-
гар эн лишыл. Ты лаштык
Российысе тўвыра
пашаенгын кечыжлан
пөлеклалтын. **6**

ПОДПИСКЕ Электрон
подпискы-
лан 89024668399 телефон
номерышке оксам пышты-
ман, yamde_lii@mail.ru адре-
сыш лўмнердам возен кол-
тыман. Ак – 150 теңге.

Рекламе.

Снимкыште

Йошкар-Оласе 13-шо номеран школышто
8-ше классыште тунемше Кристина Красновам ужда.
Тудо олаште шочын-кушкын гынат, марла яндарын кутыра.
Почеламутым лудаш мастар. Республикыште эртаралтше «Марий
мландыштем кугешнен мый илем» (1-ше вер), «Мый йоратем родной
элемым» (1-ше вер) да моло конкурсыштат мастарлыкшым терга.
«Колумб лудмаш» регион-влак кокласе конкурсышто кум ий почела
сеңгыше лийын. «Марий калык вургем» проектым возен, классше ончыл-
но ожнысо марий тўр, тудын мом ончыктымьжо нерген каласкален.
Кристина марий йылме дене туныктышо Л.Ю.Васиналан таум ойла.

Поян шондық



Школыштына «Ковамын шондыкшо» конкурс эртаралтын. Куд команде тагасен: 1-ше гыч 7-ше класс марте. «Визитке» конкурсышто

ўдыр-влак авашт але ковашт да шкешт дене палдареныт. Марий Эл Республик да марий калыкын илыш-йўлаж дене кылдалтше йодыш-влаклан вашмутым пуэныт. «Монгысõ паша» конкурсышто кажне команде шондыкышто улшо арвер але ўзгар нерген каласкален. Ковам Галина Михайловна Шибанаева марий тўр нерген ойлен. Мыйын ковамын шондыкшо эн поян лийын.

Лена ИВАНОВА.

Кужәнер, Конганур.

1 апрель – Кайык-влакын тўнямбал кечышт.

«Могай кайык?» викторине

1. «Кяй-кяй-кяй-кяй-кяй» мура.
2. Шкеже сур, сангаштыже ошалге, а онгышто кўреналге пырте-пыртан корныла.
3. Тудым вес мыын шемшиште маныт.
4. ... муралтен колта гын, кече тарванен – шуйнаш тўналеш.

5. Шўшкалтенат колта, имнылат шинчалеш, тўмырымат пералта, онгырымат рўзалта.
6. В у - йыштыжо ш у р к а , л о г а р - ж е ш е м тамган.



Редакций деч: йомакым, почеламутым лудшо-влакын лўмыштым газетнан сайтыштыже ончыза. **Сайт:** ямделий.рф.



Йомакым лудына

Морко йоча книгагудышто «Марий улам, марла ойлем. Марий улмем дене кугешнем» акцийым эртаренна. Тыге ме «Наши истоки. Читаем фольклор» тўнямбал акцийыш ушненна. С.Т.Аксаковын лўмжым нумалше йоча да самырык-влаклан книгагудо (Ульяновск область) тыгай пашалан тўналтышым пыштен. «Ший пўян ший Пампалче», «Тумна ден Рывыж», «Мўкш орол» калык йомак-влакым, Василий Юксернын «Марий патыр-влак» книгаже гыч легенде-влакым лудынна. Лудынна, маньым? Уке, тўрлõ вере пашам ыштыше-влак раш, артист семынак кельштарен лудыныт. А теве С.Г.Чавайнын «Ото» почеламутшо икмыняр йылме дене йонгалтын.

А.В.ГРОМОВА, книгагудо пашаен.

Йоча да самырык-влаклан В.Х.Колумб лўмеш республиканский библиотекеште 28 апрельште «Колумб лудмаш» регион-влак кокласе IV научно-практический конференций 10 шагатлан тўналеш. Тудо В.Х.Колумбын шочмыжлан 85 ий да Марий Эллан 100 ий теммылан пõлеклалтеш. Вашлиймашын темыже: «Имя в истории». Йодмашым 20 апрель марте колтыман.

«Илыше классике-2020» всероссийский конкурсын республике туржо тений видеоформатыште эртаралтеш. Районласе да оласе конкурслаште 50 утла сеныше сылнымутан произведенийым лудмыжым видеош войзен колта. Жюри 25-30 мартыште акла. Конкурсын лектышыже нерген уверым Марий Эл Республикын образовательный порталыштыже савыктат.

Туныктым процессым виктарыме шотышто йодышлам рашемдаш Марий Эл Республике образований да науко министерствыште шокшо линий пашам ышта. Тыгай телефон номерла дене йынтырташ лиеш: общий образований йодыш дене (8362) 45-58-91; ешартыш образований йодыш дене (8362) 69-25-20; профессиональный образований йодыш дене (8362) 45-58-88; приёмный (8362) 45-22-37.

Демос грек йылме гыч «калык» маньн кусаралтеш.



2020 ий – Шарнымаш да чап идалык.



Ленинград кундемлаште ятыр землякна увер деч посна йомын. «Демос» нине верлаште ятыр гана лийын. Кычалме паша деч посна краеведений сомылым шуктат. Военнопленный-влакын пұрымышт нерген 2009 ийыште «В списках не значится или Правда о пленных» шарны-

Патыр салтакын лүмжө – калык шүмыштө

30 ий жапыште «Демос» отряд да шукерте огыл студент-влак коклаште чумырымо «Воскресение» отряд Йошкар Армийын кок тўзем нылшүдө салтак ден командирын капшым кычалын муыныт да тоеныт. Увер деч посна йомшо 170 салтакын лүмжым пörтылненыт. 1600 утла пудешт кертше арвер-влакым муыныт да МЧС пашаен-влаклан пуэныт.

Марий Элыште «Демос» поисковый отрядым Кугу Ачамланде сарыште увер деч посна йомшо салтак-влакым кычалме, нунын лүмыштым пörтылтымө, самырык тукымым

патриотизм шүлышеш воспитатлыме шоньмаш дене 1990 ийыште чумырымо. Тудым Д.Я.Шипунов (снимкыште шинча) вуйлата.

– Самырык ұдыр-рвезе-влак икымше гана Смоленский областьысе Вяземский районьш Всесоюзный Шарнымаш Вахтыш миеныт. Тушеч пörтылмек, «Демос» отряд шочын, – оила Дмитрий Яковлевич. – Студент, пашазе, военнослужащий-влак отрядыш ике кумылын ушненыт, кызытат тыгак. Отрядыш 10-15 еҥ погына. Каныш жапыште але каникул годым кычалме пашаике вашкат. Ондакшым Моско оласе «Судьба» историй да архив рүдер дене пырля Калуга областьысе Юхновский районьшто пашам ыштыме. Вара Моско ола гыч «Память метростроя» поисковый отрядын боецше-влак деке ушнымо. 2004 ий гыч икевуя тыршена.

Кугу Ачамланде сар годым Москва, Смоленский областьлаште, Калуга, Тверь,

маш книга савыктен луктыныт. Тушко 800 утла землякнан фамилийже пурталтын. Тышеч 200 салтакын родо-тукымжым кычалын муыныт. 2014 ийыште «Пропавших возвращаем имена» книга ямдыленыт. Тушто марий кундемыште шочын-кушшо 3 тўзем утла салтакын фамилийжым муаш лиеш. Нине книга-влак районласе библиотекалаште аралалтыт.

«Демосын» вес паша шörынжө – 1941-1945 ийлаште марий кундемысе шүгарлаште тойымо салтак-влакын пұрымыштыт. Лишыл жапыште нунын нерген справочник сынан книга ямдылаш тўналыт. Самырык ұдыр-рвезе-влак «Палыдыме герой» направлений почеш кычалме пашам шуктат. Ятыр земляк сар годым орден да медаль дене палемдалтын, но тидын нерген пален шуктыде, сөй мландеш вуйжым пыштен. Кызытеш 200 утла салтаклан наградыжым пörтылтымө.

– Кугу Ачамланде сарыште лийше ветеран-влак кажне ийын шагалемьт, – оила Д.Я.Шипунов. – Тиде шучко жап нерген каласкален кертшыже-влак ужеат улыт, манаш лиеш. «Демос» отрядын ұдыр-рвезыже-влак, ятыр жап эртымек, сөй пасуш пörтылынныт, мыняр-гынат ике шинчаит дене ужыныт, тунемше-влаклан чын историйым каласкален кертыт. Ёжса, ме вашлиймашке уло кумылын миена.

ЛГРИГОРЬЕВА мутланен.

КОНКУРС

«Сарын кышаже...»

Школьнито тунемше тўрлө ийготан ұдыр-рвезе-влакым «Сарын кышаже – тукымемын пұрымыштыжы» шымлыме паша конкурсышко уинаш ұжына.

Пашам шкетын, класс, еш дене ышташ лиеш.

Кугу Ачамланде сарыште тыныслыкым аралыше кугезе коча-ковада, родо-тукымда нерген уверым тўрыс да раш паледа? Уке гын, шымлыме пашалан пижса. Сар корныштым радамлыза, могай медаль да орден дене палемдалтымштым рашемдыза. Ала фронт гыч возымо серыш, иктаж ұзгар еш реликвий семын аралалтыт – нунымат палемдыза. Паша-влакым 22 июнь марте вучена.

Сенгыше-влаклан пöлек лиеш.

Сенгымашлан – 75 ий

«Ямде лий» 2020 ий 28 март





2020 ий – Шарнымаш да чап идалык.

Куатле Родина ўжеш

Йолташ, советский патриот,
Кидеш винтовкым кучо чот!
Кредал фашизм ваштареш –
Куатле Родина ўжеш.
Мемнан девизна икте – раш:
Вўран фашизм пытараш!
Чылан фашизм ваштареш!
Куатле Родина ўжеш.
Пашаште темпым кум пачаш
Нўлташ, куралым шукемдаш!
Ит код, йолташ,

ит код почеш!

Куатле Родина ўжеш.
Мемнан вийна мучашдыме.
Тўнян ўшанже – тиде ме!
Тояш фашизм шун рокеш!
Куатле Родина ўжеш.

Шадт Булат.



Мыйын кугезе кочамын лўмжў –
Василий Васильевич

Орлов. Тудо 1907 ийыште Косолоп район Изи Руялыште шочын. Сарыш 1942 ийыште каен, танкист лийын. Кочамым II степенян Кугу Отечественный сар орден дене наградитленит. Сар гыч пўртылмек, колхозышто трактористлан ыштен. Ме тудын дене кугешнена.

Дима ОРЛОВ.

Марий Турек, Сысоево.

Историйым шергалына

1814 ий 31 мартыште Париж воктене тале кредалмаш деч вара император Александр I вуйлатыме руш войска олам сенген налын. 1814 ийысе наполеоновский кампаний годым Францийын рўдолаже верч кредалмаш пытартыш сўй лийын. Тылеч вара француз император Наполеон I элым вуйлатыме деч корангын.

Сенымашлан – 75 ий



Почеламутым сылнын лудшо-влак коклаште «Сар нерген шарнымаш» районысо конкурс эртараалтын. Тудо Шочмо йылмын тўнямбал кечыжлан пўлеклаалтын. Конкурсышко 30 наре

участник погынен. «Поэзий» да «Проза» номинациялаште М.Казаковын, В.Рожкинын, В.Колумбын, М.Майнын почеламутышт йонгеныт. Н.Лекайнын, М.Рыбаковын произведенийлашт гыч ужаш-влакым лудыныт. Пеш куанле ыле, вет жюри енлан Н.Лекайнын ўдыржым, Н.Н.Лекайным,



Фотом школ архив гыч налме.

Сылнымут пайрем

ўжыныт. 8-ше класс гыч Татьяна Гусарова дене коктын В.Рожкинын почеламутшым лудынна. Мый кокымшо, Тая кумшо верлам налынна. Тиде тагас деч вара мый пенгыдын каласен кертам: тыгай конкурс-влак кўлыт!

Лена ДУБОВНИКОВА. Звенигово, Эсмекпляк.

Кугезе кочам – герой



АРХИПОВ
Николай Архипович
старший лейтенант

Кугезе кочам Николай Архипович Архипов 1923 ий 1 августышто Унчо ялеш икмарда кресаньык ешеш шочын. Сар тўналмеке, вуешушо 18 ияш рвезылан повесткым кучыктеныт. Миклай кочамат моло дене пырля шочмо элым аралаш каен. Тудо тушман ваштареш лўдде кредалын, патырлыкым ончыктен. Кочамын каласкалымыж гыч палем: Миклай кочамын шуко медальже да Йошкар Шўдыр орденже лийыныт.

Кугезе кочам мўнгў 1946 ийыште пўртылын, а вес ийынже ешангын. Елена кугезе ковам дене 6 йочам ончен куштеныт, кугурак ўдырышт – мыйын ковам.

Морко, Унчо.

Стройбат войскаште

Мыйын кочам – Виталий Николаевич Рябинин. Тудым 1982 ийыште армийыш налыныт. Кочам Нижний Тагил олаште стройбат войскаште службым эртен, шофёр лийын. Сайын служитлымыжлан грамот дене палемдалтын.

Даниил ЯМБАРШЕВ. Шернур, Лажъял.

Онагй

Кугу Ачамланде сар годым тўрлў фронтышто 60 тўжем утла пий служитлен.



Пöрт – тоштер

2020 ий – Шарнымаш да чап идалык.



далтын. Тудо, очыни, тыланда эн шерге.

– Тений Кугу Ачамланде сарыште сенгымылан 75 ий темеш. Пайрем вашеш коллекцийыш ятыр арверым ешаренам. Чыла тиде совет салтак-влакым шарныме лүмеш. Сенгымышын акшым икшыве-шамыч палышаш улыт. Кызыт коллекцийыштем 300 утла салтак серыш, гранат, снаряд, сар курал, обмундирований, танкын модельже, сар годсо плакат-влак аралалтыт. Фронт гыч толшо ик серышымаст шинчавүд йоктарыде лудаш огеш лий. Кажне серыш – илышыште лийше посна историй.

Е.ИВАНОВА.



Авторын фотожо.

Волжский район Памар селасе кок пачашан пöртыштö тоштер уло манам гын, йонылыш ом лий, шонем. Тушто коллекционер



В.В.Лобанов ила. Ик пöле-мыште онгай сувенир, марий вургеман курчак, түрлö фотоаппарат да моло арвер-влак улыт. Туштак СССР жапысе пионер-влакын горнышт, галстукышт аралалтыт.

– *Василий Владимирович, тыгай коллекцийым погаш кузе да кунал шонымаида шочын?*

– Кок ий ончыч тошто пöрт коклаште кугезе ковамын шондыкшым муынам. Тушто ожнысо марий вургем, сянныш чийыме сöрас-тарыш-влак кие-ныт. Кызыт кандаш тукумын вургемже аралалтеш.

– *Те шуко түрлö арверым погеда, оксалат налыда. Кокымшо пачаш сар теме дене кыл-*

Палаш онгай



Снимкыште:
ППС-43 пистолет-пулемётым шонен лукшо конструктор

Алексей Иванович Судаев лүмеш 25 тенгеаш окса.

Пистолетым 1943 ийыште Сестрорецкий оружий заводышто ышташ тўналыныт. 1943 ий гыч 1945 ий марте луктыныт. Чылаже – 500 тўжем наре.

«Зарница»

«Зарница» модыш годым йоча-влак строй дене коштыч, историй, шочмо-кушмо вер, медицине дене кылдалтше йодыш-влаклан вашмутым пуышт. Модышын пытартыш этапше флагым кычалмаш ыле. Мыланна, изирак класлаште тунемше-влаклан, тиде мероприятий чот келшыш.

Вера КОНЫШЕВА.
Шернур, Мустай.



Авторын фотожо.

Морко район Шлань ялын шочшыжо, 82 ияш писатель Роза Салахын «Шлань в годы войны» книгаже лекме лүмеш ты ял клубышто калыкым у савыктыш дене палдарыме кас эртаралтын. Презентацийын поян программыжын ик онгай номерже – писательын ты книгаштыже Арслан ачажым Кугу Ачамланде сарыш ужатымым шарнен возымо ужашым кучылтын, сценкым модын ончыктымаш (**снимкыште**). Ойган сүретым почын пуымаште Унчо школын 2-шо классыштыже тунемше Айвика Балезина усталыкше дене калыкын кумылжым налын.

А.ИВАНОВ.

Патыр калыкна

Кугу Отечественный сар 1941 ийыште тўналын. Совет калык шочмо элым аралаш рўжге шогалын. Вара, куатым поген, 1945 ийыште тушманым кырен шалатеныт. Кажныже патырлыкым, лүддымылыкым ончыктен. Фронтлан тушманым сенгаш тылеш кодшо-влак чот полшенит. Икманаш, калык ик кугу мушкындо гай лийын.

Яна ДМИТРИЕВА.
Морко,
Коркатово.

Сенгымаш кече вашеш Марий Эльш-те илыше 4 тўжем утла енлан «1941-1945 ийласе Кугу Ачамланде сарыште Сенгымаш-лан 75 ий» лїмгече медальым кучыктат.

Сенгымашлан – 75 ий

«Ямде лий» 2020 ий 28 март





2020 ий – Шарнымаш да чап идалык.


Профессийже дене туныктышо улмаш.

Тудо икымше лийын

Палыза: кө нерген ойлалтеш?

Кугу Ачамланде сар годым пулемётчик лийын.

Советско-финский сарыште кредалын.



Поэт Миклай Казаков тыге возен:
– Пу лентым содор! – Но помощник Ок ойло нимом ваштареш. Ончалыч... Шинчаже огеш ончо, Камвозын йолташ үмыреш...
В.СМИРНОВ ямдылен.

Шотлен муын: Сенымашлан – 75

– Кунам лийын сар? – Мый дечем йодеш Макар. – Кугезе кочатым ончал, Вуйжо могай чал! – О-о тудлан –

индешле визыт! Тугеже Сенымашлан – шымле визыт!

Коло ияш кочаем возен Лүмжым Рейхстагеш коден. Нунылан вуйнам савен, Тау мутым каласен, Сай тунемаш сөрена, Патыр лийын кушкына.

Даша СОШИНА.
Морко, Купсола.

Москвाम арален.

Пытартыш патрон марте пулемётшо дене фашист-влакым лүйылтын. 200 утла фашистым пытарен.

Пленыш логалаш огыл манын, шкенжым лүен. Тиде 1941 ий 30 декабрьште лийын.

Ўлнө сүретлыза.



Андрей РЕПИНЫН сүретше. Советский, Орша

Йоча-влак, тендан дечат сар, Сенымаш, тыныслык дене кылдалтше сүрет-влакым вучена.



Т-34 Огай

легендарный танкым М.И.Кошкинын проектше почеш ыштыме. Икымше танкым 1940 ий 1 сентябрьште лукмо. Чылаже

80 түжем танкым ыштыме. Кокымшо Түнямбал сар (1939 ий 1 сентябрь – 1945 ий 2 сентябрь) жапыште тудо эн сай танклан шотлалтын.

Күлешан цифр-влакым шындыза.

Кугу Ачамланде сар _____ кече шуйнен. _____ ола ден посёлкым, _____ түжем села ден ялым шалатыме я йўлатыме. Сурт-оралте деч посна _____ миллион ег кодын. Сар жапыште _____ миллион наре егын илышыже кўрылтын.




Сенымашлан – 75 ий

Сенымаш куштылгын ок пуалт
«Наташка» ойлымашым («Ямде лий», 2020 ий 8 февраль) лудмо деч вара.
★ С.П.Алексеев «Наташка» ойлымашыштыже Кугу Отечественный сар нерген серен. Война – тиде эре кугу ойго.
★ Лач тыгай ойго Сергеевский изи ялышке толын. Мо тугай война, мом тудо айдемылан конда, шучко фашист мом ышта – чыла тидым изи Наташка ужын.
★ Ойлымаш кўчык, куштылгын лудалтеш. Тиде ойлымаш дене автор эше ик гана мыланна ойла: палыза да курымеш шарныза. Историй гыч палена, 1941-1945 ийлаште фашист-влак миллион дене ег-влакым илышынек йўлатеныт. Мыят Наташка семьянак палем: Кугу сар годым Кугу Сенымаш куштылгын толын огыл.
★ Лудса, йоча-влак, тиде ойлымашым. А мый газетыште вес произведенийым вучем.

Карина НИКИТИНА.
Морко, Коркатово.



«Ямде лий» 2020 ий 28 март



25 март – Россияысе тўвара пашаенгын кечыже.

Баян – йоратыме семүзгар

Мый музыкальный школыш коштам: баян дене шокташ тунемам. Туныктышем – Ирина Николаевна Горинова. Мөнгыштө кок баян уло. Пайрем годым ковам, родо-влакым мурыктем. «Катюша» мурым, «Олыкышто мөр пеледыш» такмакым, Шернур вел семым шокташ йоратем. Кызыт «Во саду ли, в огороде» произведений почеш пашам ыште на. Ирина Николаевналан мурсем, калык семүзгар дека шўмандымыжлан куту таум ойлем.

Сева НИКИТИН.


Кужэгер, Шўдымарий.

Огай

Пуанты – балеринешамычын йолчимышт. Тудо 54 ужаш гыч ышталтеш. Француз йылме гыч кусараш гын, «кошар» манме лиш.



Пуантым кок тасма дене кылдыме. Могай дене?



Кум лукан агаштем шўдө түрлө кайык мура.

Чуни кайык семым лук-теш.

Пўгыр кугыза пасу гоч шортын куржеш.



Сўретым чиялте.



Куштымаште – вий

Полина ден Даша Лебедевамыт Н.А.Заболоцкий лўмеш 2-шо №-ан Шернур школышто тунемыт. Кок ансамбльыш коштыт: иктыже – «Ласточка» вокал да хореографий. Весыже – «Созвездие».

– Ёдыр-влак мыйын польшкалышем улыт, – оила Кочанур ялысе тўвара пөрт пеленысе «Созвездие» ансамбльым вуйлатыше О.А.Петухова. – Даша ден Полина изи йоча-влак коклаште лияш моткоч куанат. Ёдыр-рвезе-влак дене иже гыч куштымашым шындат.

– Куштымашым ме Интернетыште ончена. У движений-влакым пуртена, кушто гын иже семын вапталтена. Кажне куштымаш чон гыч лекше лийшаш, тарванылме гоч ончаш толшо калык куштымашын «вийжым» шижшаш, – ойлат ёдыр-влак.

Е.ИВАНОВА.

«Ямде лий» 2020 ий 28 март



Индекс: П4696.
Тираж 1150 экз. Заказ
Формат – А-4-8.
Тўн редактор Л.В.СЕМЕНОВА.

https://vk.com/yamde_lii
<https://ok.ru/yamdellii>
E-mail: yamde_lii@mari-el.ru
(документ кагазлан),
yamde_lii@mail.ru
(автор-влаклан)
Сайтын адресше:
yamdeliiy.rf

УЧРЕДИТЕЛЬ-ВЛАК: Марий Эл Республикаысе культур, печать да калык-влакын пашаш шотышто министерстве, «Ямде лий» газет» кугыжаныш унитарный казна предприятий.

Газетым редакцийыште погымо да версталыме, «Марий Эл Республикаысе Правительствын типографийже» ООО-што ямде оригинал-макет гыч савыктыме. Типографийын адресше: 424000, Йошкар-Ола, Комсомольский урем, 112.

Газетым Массовый коммуникаций сферыште да культур наслединым аралымаште законодательствым шуктен шогым эскерыше Федеральный службын Приволжский федеральный округысо управленийыштеже регистрироватыме.
Номер – ПИ №ФС 18-1999,
2005 ий 10 февральыште пуымо.

0+

Печатыш пуымо жап – 14-00,
фактически – 13-00

Авторын да редакцийын шонымашышт түрлө лийын кертыт. Серыш-влак мөнгеш огыт колталт.
Ак – кутырен келшыме почеш.

Редакцийын да издательыне адресше:
424006, Йошкар-Ола, СССР Вооружённый Вийын 70-ше идалькше урем, 20-шо пөрт.
Тел. 8(8362) 45-22-82(факс)



1 апрель – Воштылчык кече.

– Ачай, мый лүмем вашталтынем.

- Могайыш, эргым?
- Биссектрисыш.
- Молан?
- А садикте мый эре лукушто шогем.



- Миклай, чыным ойло, кө тыланет мөнгө пашам ыштен?
- Ом пале, мый маленам.

В.СМИРНОВ ямдылен.

Шошо кече

Шошо кече ондала,
 Ырыкта да кылмыкта.
 Эркин-эркын лум шула,
 Энер вельш йыргыкта.
 Корак-шамыч чот тыршат,
 Тошто пörтым уэмдат.
 Шырчык толын да мура:
 «Шошо толын. Вашлийза!»

Диана СЕМЁНОВА.

Марий Турек, Арбор.


Марлашке кусарыза.

- 1.Шерсть. 2.Гнилушка.
- 3.Баня. 4.Ветер. 5.Кафтан.
- 6.Рябчик. 7.Клубника.

Настя МАРТЫНОВА.

У Торъял, Немда.

Шонымо числа 118 деч 5 пачаш кугу. Могай числам шонымо?




Кўшычын

ончалаш гын, кажне пирамиде кузе коеш?



* 5 +60 * 8 +25 * 3



Кө эн тале математик?


Марий

*алфавит радамь ончен,
 калыкмутым пале.*

29 17 28 14 17 11 32 13 14 6
 1 3 1 4 1 11.

Ангелина РЯБИНИНА.

Советский, Шуарсола.



Ўлылсө сүрет
 кокла гыч пытар-
 тыш фигур
 олмеш могайым
 шындет?



Задаче

Айда кудалышташ!

Ачаж ден эргыже велосипед дене кудалыштыныт. Велосипедышт кум ораван да кок ораван лийыныт, а чылаже – шым орава. Мыняр кум ораван велосипед улмаш?

176	178	184	186	192	194	200							
174	180	182	188	190	196	198							
172	166	164	162	160	158								
170	168	30	32	154	156	142	140	134	132				
24	26	28	34	152	146	144	138	136	130				
22	20	18	36	150	148	58	60	126	128				
8	10	16	38	52	54	56	62	124	122				
6	12	14	40	50	48	66	64	118	120				
4	2		42	44	46	68	70	116	114				
							80	78	76	74	72	110	112
							82	88	90	96	98	108	106
							84	86	92	94	100	102	104

Кокылган пайдалтше числа дене Мичулан вело-сипед деке миен шуаш полшо.



«Ямде лий» 2020 ий 28 март

Интернетысе сүрет-влакым кучылтмо.